



Innsend athugasemd:

- a) Skólaráð Lundarskóla telur ekki vera umferðarleg rök fyrir lagningu Dalsbrautar miðað við hversu miklu hættulegri aðkoma að skólanum verður fyrir börnin. Þessi ákvörðun byggir á umferðarspám frá 2004 sbr. kafla 2.12 í greinargerð með deiliskipulag, en ekki í mun nýlegri skýrslu þar sem segir að Dalsbrautar sé ekki þörf „í fyrirséðri framtíð“. Hér sé verið að taka hagsmuni ökumann fram yfir umferðaröryggi barnanna á svæðinu.
- b) Þar sem Lundarskóli starfar í anda heilsueflandi grunnskóla og hreyfing er einn af átta þáttum sem áhersla verður lögð á, er lagt til að svæðið þar sem fyrirhugað er að Dalsbraut komi, verði notað fyrir hjóla- og göngustíga.
- c) Kafli 2.1.4. Aðkoma að Lundarskóla: Í fyrstu efnisgrein er lýsing á útfærslu svæðis utan skipulagsmarka. Efnisgreinin verði felld út úr skipulagsgreinargerð í heild sinni.
- d) Kafli 2.1.7. Stígakerfi. Aftast í 1. mgr. er lýsing á stígakerfi utan skipulagssvæðisins og tilgreint hvernig útfærsla Dalsbrautar í deiliskipulagstillögunni tekur mið af því. Þar sem lóðarskipulagi Lundarskóla hefur ekki verið breytt og lóð skólans er ekki hluti deiliskipulagsins ber að fella út úr deiliskipulaginu göngubrautir, sem byggjast á ósamþykktum hugleiðingum.
- e) Kafli 4.5.4. Heilsa og öryggi: Í síðustu málsgrein kaflands, varðandi hljóðvist, er skólaráð algjörlega ósammála. Við sjáum í hendi okkar að neikvæð staðbundin lofslagsáhrif verða á svæðinu ef af lagningu Dalsbrautar verður.
- f) Skólaráð telur að rauð ljós sem kvikna ef keyrt er of hratt komi ekki til með að virka sem skyldi, reynslan sýni að ökumenn virði ekki hraðatakmarkanir ef leiðin er greið. Gangbrautin sem mest yrði notuð og er í framhaldi af núverandi aðkomu að Lundarskóla og er aðalgönguleið í gegnum hverfið verður hættuleg vegna þess að hún verður mitt á milli gatnamóta í stað þess að vera við gatnamót. Gangbrautir eru almennt öruggari við gatnamót því þar hafi bílstjórar varann á sér.
- g) Við teljum ekki rétt að beina börnum inn á gangstíga sem liggja meðfram tengibraut. Nær væri að leggja gangstétt norðan við Skógarlund og beina börnunum inn á Heiðarlundinn, það teljum við öruggari leið í skólann.
- h) Athugasemdir eru gerðar við tillöguuppdrátt – Norður. Þar sem ekki hefur verið tekin ákvörðun um nýtt eða breytt skipulag lóðar Lundarskóla er farið fram á eftirfarandi breytingar á skipulagsuppdrætti. 1. Ný aðkoma við suður lóðarmörk verði felld út.
2. Núverandi aðkoma verði útfærð á fullnægjandi hátt miðað við hlutverk sitt.
3. Hugmyndir um breytt skipulag skólalóðar (utan skipulagsmarka) verð felldar út. Komið gæti til greina að sýna báða tengingarmöguleika lóðarinnar á skipulagsuppdrætti Dalsbrautar án frekari ákvæða um skipulag skólalóðarinnar á þeim vettvangi. Verði það gert er þess krafist að báðar tengingar verði hannaðar jafngildar, þ.e. að núverandi tenging verði fullgild gatnamót. Á skýringaruppdrætti eru sömu ágallar og á deiliskipulagsuppdrætti-norður.
- i) Skólaráð Lundarskóla telur að heppilegra hefði verið að auglýsa breytt deiliskipulag skólalóðar Lundarskóla og KA svæðis á sama tíma í samráði við viðkomandi aðila.